

臺灣鑛業會志

臺灣鑛業會志

臺灣鑛業會志

臺

灣

鑛

業

會

志

民國二十年

十月

十七日

中華民國

鑛業協進會



是志之脩藏事  
建會後八十年

顏惠霖



## 序

民國七十九年歲在庚午，霖主中華民國鑛業協進會之十五年，時以來歲爲會建第捌拾年，迺有脩志之議起。夫中華民國鑛業協進會，臺灣地區鑛業人，連交合衆，騁馳之會也。八十年之前，顧吾國土，辛亥重光。明年，民主肇建，因稱元年。是歲十月，在臺有本會之丕基。維時之臺灣，既迫於馬關條約，地淪殖民，民雖漢籍，治固匪我所有。然會之成立，名曰「臺灣鑛業會」，亦彰島上臺、日人，合衆之會也。團體之組成，臺籍人出鉅金焉。

會建第三年，逢歐洲大戰起。臺灣之鑛業，乘時而蔚盛，會務亦壯大。明年，因見改制法人之議興。五年元月，會館落成，會准改制。前期草創，成一斷代也。

五年以次，會務一新，正名曰「社團法人臺灣鑛業會」。其所事，會章訂以促進鑛業之發展，而達成斯項宗旨，凡發行會報，舉開學術演講，調處官民鑛政機構事務，弭息鑛業紛爭，謀圖從業人共同利益，悉會務範疇也。唯其星移而斗轉，改制甫三年，歐戰論和。臺之鑛業，由興而漸替，由隆盛，急轉爲蕭條。

二十年，日爲昭和六年。是歲秋九月，日軍揮戈入東北。自茲而謀我河山益急。

鑛業因時勢再次恢宏，斯其黷武主義者，圖儲備侵略之物資也。其國之國策會社，雲會而風起，捲土之南來。使乙未之際，疾足海島，豎一旗，分享鑛利者，讓賢而北歸。臺之鑛業，從茲陷入統制時期，未幾而二次大戰發。

三十四年，日爲昭和二十年，是歲八月，廣島、長崎之浩劫，數萬生靈，化爲灰燼。由是黷武主義者，因其皇之宣布投降，於焉告終。臺灣地區，復歸版圖，臺灣鑛業會隨而進入過渡期，又另一時期也。

三十七年，會務歷經監理、籌備、重行改組，告准成立。邁入興復期，正名「臺灣省鑛業研究會」。然歷自兵燹以來，會務久陷停滯，會產受侵佔。興復之後，整理更費十餘年。五十三年，事始底定。全臺鑛業亦呈有史以來，臻極繁榮，鑛產隆盛。迨及六十四年，奚啻又一時期矣。

是年五月，霖承先代餘緒，食德從鑛，迺受同仁推舉忝居會座。是歲前後，國際油源危機頻發，而臺之鑛業，亦以資源漸趨枯竭，成本居高。未來轉向，將爲技術輸出，途登國際合作，廣被交流時期。緣藉此契機，擴組爲全國性。冬十二月，獲中央核准，厥「中華民國鑛業協進會」之成立，于茲歷經十又餘年矣。

民國八十年，吾民主之邦，締造八十大慶也。回顧本會之建，固斷代不一，而通

期八十星霜也。霖顧本會之耄期，適與民主之締造，猶比於雙慶。其於乙會之史，世悠久，義亦重矣。八十年之事，卽八十年之紀。其間，代雖數易。臺之先驅、先進、謀鑛之興，取與以時，畢生以赴。賢固賢者，愚亦賢者。事業浮沉，身經風霜，豈屈指可數哉。

八十年之紀，存眞而傳之，爲八十年之志。然則，志雖乙會之史乘，留與後之有心君子，寧不無有補於徵信，此勗修之端緒也。秋八月，邀諸君子組脩志委員會，又聘專人主志局，歷程雖艱巨，亦求期年而鉅梓，十月刊刻而行世。志者，彰鑛業會丕基以來，通期之志也。名定「臺灣鑛業會志」。其範疇，不復贅。今欣逢稿成付定梓，因述厓略，附志端而闡之。謹爲序。

民國八十年九月仲秋 顏惠霖序

## 序

臺灣鑛業會，創自日據時代，民國元年十月十七日成立。十二月發行「會報」第一號，以後陸續出版。關於鑛藏之探測探掘，鑛業之經營監督，歷程之消長盛衰，作有系統之記載。至今有八十年歷史。是有裨國計民生之文獻。

據會志而知鑛業會會長，昔由日人官吏、技師或鑛業鉅子充任。迨臺灣光復。民國三十七年十二月五日改組，更名爲臺灣省鑛業研究會。鑛業界耆宿顏欽賢先生，以名門峻望膺會長。任勞負重，宏濟鴻猷。曾於五十、六十年代。各修「臺灣鑛業史」一部付梓。連任至六十四年，功成身退。

斯時改組易名爲「中華民國鑛業協進會」。顏惠霖世講以卓越才華，當選理事長。爾來十有六年。展布經綸，蜚英騰茂。爲同業人士所推挹。亦忠於其事。茲值鑛業會創立八十年，思有所交代，將鐫「臺灣鑛業會志」，而以序相屬。

余披覽志書，仿通志例爲之。分建會、會務、會員、榮典、鑛事、藝文、文徵、人物等連首末，凡十二卷，都八十萬言，爲出自唐羽纂撰。煌煌巨構，採摭浩博，議論亦多警闢。對於前景之勾勒，輪廓之描繪，載懷沿革，回饋成果。是一部記載完整

之志書，堪資考鏡，亦昭然若揭矣。顏理事長惠霖領導中華民國鑛業協進會，夙著懋績。一向傾力支持「臺灣鑛業會志」出版，及所動所爲之努力。今達成雅願。可提供關心人士爲見證。想見德望愈隆，聲價彌增，不徒洛陽紙貴已也。欽佩之餘，不揣老旄，並書此以張之。是爲序。

民國八十年中秋前夕 基隆陳其寅謹撰 時年九十

## 自序

吾國之典籍，「禹貢」、「周禮」，言鑛由來遠矣。論政若「管子」，更評金、銅、丹沙。然皆語焉而不詳。迨及史遷，傳貨殖，兼涉鑛藏。文固備矣，然亦匪專著。專著而紀鑛，猶付闕如也。夫盛世之臻至，徒擁山澤魚、鹽、金、銅、鉛、鐵之富，玉石、丹沙之豐。貨不開闢，新穎工技，無由交流，亦豐藏而已，蓋貨惡其棄於地也。臺灣地區，雄峙東南，地理、地形，宛若中洲附島。鑛之豐藏，先民開之，物微出土，信有千餘年矣。宋、元以後，墾民來徙，事尤興焉。惟時儒素重人性，而忽物性，貨殖之紀，失於兼論。後出之書，規模或闕。鑛事失考，斯以致焉。

臺灣鑛業會，在臺國人鑛業團體，其丕基，壽同我民紀，屬早期四大社團之一。爲促進鑛業，交流技術，提倡學術之會也。會之初創，時雖日據，間歷改制、重光、興復。迨會紀之六十四年，擴組全國性，則「中華民國鑛業協進會」之出也。今會座顏惠霖氏主之，會務鼎盛也。氏之從鑛，系本改制發起人，雲年先生之賢裔；鑛業世家也。會座學出上庠，躬主鑛山閱四十載。素有感於鑛業會之志，實繫臺灣鑛業消長之史，攸關經濟盛衰，人事之紀也。脩一志、行之於世，不無有助於考鏡，亦史之林焉。客歲六月，羽承其邀，責爲會志之脩。責以期年，鈔梓印之，竝慶創會八十年之祭。

也。夫臺之鑛業，啓於土著，傳于墾民，設採通商之際。迨淪割地，而業蔚盛。若其生產，卽於光復之後，創高峰五十年代。洎至近年，藏量始轉微。然紀鑛而言史，可溯千餘年。惟鑛之書，斷章散帙，偶見邑志，劄之私著，紛雜不一。志之著乙書，通史而言鑛，人物與事物，兼而顧之，裒篇引證，厥亦志乘之別門。斯以非才而承之，秋九月而志局開。

是志之脩，會有修志委員，隨時備諮詢。史料之集，庫存檔案、會報、會刊、鑛業史，俱第一手史料與專業之技術論著也。局開，三更義例，並徵引相關史料。統卷十二、目十七、傳二十三。稿成，乙乙付諸校勘。次復修訂而轉送審稿與總閱，反覆核定之。次始編輯而付印。

志之卷三，相關歲計，劃期製表後，委由總務紀君，核對賬目。至于人物傳，鑛事以來，賢能輩起。建會以前，擇會涉鑛事，得四十人入列之。建會以後，則以一旦在籍之足矜式者，得一〇二人列之。俱以仙者爲傳。至于臺之鑛界，備著事功者實更夥矣。然義例，用彰乙會之志，遺珠亦嚴義例也。志之脩，史料冗繁而時間倉皇，幸有可讀，諸君子之力也。苟有失，羽一人之疏忽耳。至於愧無能周處，則俟踵事之賢者，來日糾正之。今以志告歲事，援筆簡次爲序之。

## 凡 例

一、斯志之脩，以鑛爲會，以會而言鑛，師志體，增刪定義例。顏曰「會志」。立卷一十，附以首尾，都十二卷。統目三十九，劃紀事、年表、志、傳，名篇而納之。彰臺灣乙區，鑛業會之志也。

一、志之斷代，紀始創會元年；民國元年，而日以易王大正，亦爲元年。書止民國八十年；顧亦捌拾年，臺灣鑛業之左史。唯鑛業人之有會，實由來馬關之割地，其國鑛業人南來，卷一乃分爲上下曰建會、曰會務，上溯乙未，止於光復。下始重光，彰不忘亡國之痛也。

一、書史事，繫年、繫月、繫日。悉採編年而紀之，亦春秋之意。人物志以外，繫年悉尊我建元，下以減號字，存日紀年。卷一、卷七，並附西元，俾易三曆對照。

一、社團之建立，會章者，會務之權輿，執事者，運營之舵手。會產、基金，年度歲計，乃推行之動力，悉列會務之首要。因列次二、三卷，依次編年，兼採紀事本末而書之。附以表，俾明史事之推行。

一、會務之推行，會員大會爲最高機構。學術演講，組訓交流，俱其業務也。次則專門委員會，爲分司與研議。因與會務人事，興復後執事出身。統爲乙卷，分六表，納入卷四，統稱會務年表。

一、會員爲成會之基石，社團之主。無會員，會無以立。會建以來，因時、因需，分類紛更。然一旦在會，其籍則在會也。無從變易焉。自爲乙卷，納爲卷五，尊其重也。

一、會之建，通期八十年，濟濟多士，無分畛域。其生平，歷受治道獎錫，團體推崇，譽爲楷模，時見會報；亦會之大事也。裒之列卷六，彰其榮，資磨礱也。

一、志之脩，以會而言鑛。惟鑛之有史，更在會之前，文物、典冊可徵矣。因沿前修「鑛業史」例，紀始吳黃龍二年，錄史事之關乎鑛業者，下迄民國八十年。統千七百六十餘年，爲言鑛事，俾明乙區鑛業消長也。列卷七。

一、藝文者，著述之亞也。會建以來，在籍之士，著述不輟。刊物之外，專書之出，則「鑛業史」之類見。納爲乙卷，列卷八。

一、文徵乙卷，存原始檔案之成系列者，備考鏡，列在卷九，匪統取也。

一、志書之脩，例有人物。鑛而言志，例不能遺。然生者不立傳，亦史例也。志以鑛而爲經，意亦鑛業人之傳，師於貨殖焉，建會以前，鑛無專志，傳自散見羣書。今輯其要復爲傳之。有會以後，則以在籍之仙者立傳，繫朝代，書採合傳。略依時空，相類質，而兼採之。學者居其後，昭謙讓也。鑛殤又其後，示以鑛終也。至於繫年，乙未以前，國人用我中紀，日人存彼日記。乙未以後，在臺生者，亦采日記，寓其生於亂世，身陷異族，存眞而傳之。若有瑕瑜參差者，亦直書，虛者虛之，存眞而已。

一、今世新志之修，例附出處。美則美矣，但增篇幅。斯志，改以古今兼採，殊例數條以外，俱采挾注，而書名略稱。末因統列其書出處，殿爲卷末，俾後之君子，便於索攷焉。

# 志書纂修委員會執事人名錄

召集人

中華民國鑛業協進會理事長

顏惠霖

副召集人

臺灣省礦務局前局長

高金福

委員

臺陽股份有限公司前總經理

周德仁

委員

中國石油公司臺灣油礦探勘總處前總處長

詹益謙

委員

臺北市礦業技師公會前理事長

董文雄

委員

中華民國鑛業協進會秘書長

黃添進

委員

臺灣區煤礦工福利委員會總幹事

林再生

秘書

臺灣電力公司燃料處前企劃課長

榮文雅

總務

中華民國鑛業協進會總務組長

紀阿明

印刷

華泰印刷廠有限公司

王大鈞

# 志書纂修人名錄

監修 召集人兼

顏惠霖

總閱 委員兼

黃添進

纂修 志書纂修委員會編纂

唐羽

審稿 經濟部中央地質調查所副所長

簡芳欽

審稿 工研院能源與資源研究所前副所長

王榮輝

校勘 委員兼

林再生

校勘 臺灣省礦務局前專門委員

許有德

校勘 中華民國鑛業協進會業務組長

陳松榮

總校 總務兼

紀阿明

校對


曾榆棻

校對

吳惠美

圖

片



臺灣鑛業會鈐記



法人後會長之印